

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 7/10), člana 52. stav 1. tačka 2. Zakona o organizaciji organa uprave u Federaciji BiH („Službene novine Federacije Bosne i Hercegovine“, broj: 35/05) i člana 8. stav (1) tačka a). Uredbe o načelima za utvrđivanje unutarne organizacije kantonalnih i općinskih organa uprave i upravnih organizacija („Službene novine Zeničko-dobojskog kantona“, broj: 8/06), na prijedlog Kantonalne uprave za inspekcijske poslove, Vlada Zeničko-dobojskog kantona na 133. sjednici održanoj dana 22.02.2018. godine, d o n o s i

ZAKLJUČAK

I.

Daje se saglasnost na Pravilnik o izmjeni Pravilnika o unutrašnjoj organizaciji i sistematizaciji radnih mjesta u Kantonalnoj upravi za inspekcijske poslove broj: 18-34-18330-1/15 od 12.02.2018. godine.

II.

Zadužuje se Kantonalna uprava za inspekcijske poslove, da tri potpisana i ovjerena primjerka Pravilnika iz tačke I. ovog zaključka dostavi Stručnoj službi Vlade Kantona radi ovjere date saglasnosti Vlade Kantona, nakon čega će po jedan primjerak biti dostavljen Ministarstvu za pravosuđe i upravu i Sekretarijatu za zakonodavstvo, a jedan primjerak će biti vraćen Kantonalnoj upravi za inspekcijske poslove.

III.

Zaključak stupa na snagu danom donošenja.

Broj: 02-_____/18.

Datum, 22.02.2018. godine

Z e n i c a

PREMIJER

Miralem Galijašević

DOSTAVLJENO:

1x Kantonalna uprava za inspekcijske poslove,

1x Stručna služba Vlade,

1x Sekretarijat za zakonodavstvo,

1x Ministarstvo za pravosuđe i upravu,

1x a/a.

P R A V I L N I K
O IZMJENI
PRAVILNIKA O UNUTRAŠNJOJ ORGANIZACIJI I SISTEMATIZACIJI
RADNIH MJESTA U KANTONALNOJ UPRAVI
ZA INSPEKCIJSKE POSLOVE

Zenica, februar 2018. godine

Na osnovu člana 52. stav 1. tačka 2) Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“ broj: 35/05) i člana 8. stav (1) tačka a) Uredbe o načelima za utvrđivanje unutrašnje organizacije kantonalnih i općinskih organa uprave i upravnih organizacija („Službene novine Zeničko-dobojskog kantona“ broj: 8/06), direktor Kantonalne uprave za inspekcijske poslove, uz saglasnost Vlade Zeničko-dobojskog kantona, donosi:

P R A V I L N I K
o izmjeni Pravilnika o unutrašnjoj organizaciji i sistematizaciji
radnih mjesta u Kantonalnoj upravi za inspekcijske poslove

Član 1.

(izmjena člana 40.)

U Pravilniku o unutrašnjoj organizaciji i sistematizaciji radnih mjesta u Kantonalnoj upravi za inspekcijske poslove broj: 18-34-18330/15 od 30.10.2015. godine, u članu 40. stav (9). riječi „12 (dvanaest)“ zamjenjuju se riječima „17 (sedamnaest)“.

Član 2.

(stupanje na snagu)

Ovaj Pravilnik stupa na snagu danom davanja saglasnosti od strane Vlade Kantona, o čemu će Vlada Kantona donijeti poseban zaključak, nakon čega će isti biti objavljen na oglasnoj ploči Uprave.

Broj:18-34-18330-1/15
Zenica: 12.02.2018. godine

D I R E K T O R

Silajdžić Mirsada, dipl. ecc.

Na ovaj Pravilnik data je saglasnost Vlade Zeničko-dobojskog Kantona Zaključkom broj: _____ od _____2018. godine.

S E K R E T A R

O b r a z l o ž e n j e **za donošenje pravilnika**

I Pravni osnov

Pravni osnov za donošenje navedenog Pravilnika o izmjeni pravilnika o unutrašnjoj organizaciji i sistematizaciji radnih mjesta u Kantonalnoj upravi za inspekcijske poslove (u daljem tekstu Pravilnik) sadržan je u članu 52. st. 1. tačka 2. Zakona o organizaciji organa uprave u Federaciji Bosne i Hercegovine („Sl. novine Federacije Bosne i Hercegovine“ broj: 35/05), članu 8. stav 1. tačka a) i članu 9. Uredbe o načelima za utvrđivanje unutrašnje organizacije kantonalnih i općinskih organa uprave i upravnih organizacija („Sl. novine Zeničko-dobojskog kantona“ broj: 8/06).

II Obrazloženje pravnih rješenja

Dosadašnjim Pravilnikom u Kantonalnoj upravi za inspekcijske poslove bilo je sistematizovano 103 izvršioca, a izmjenama i dopunama Pravilnika broj izvršilaca će biti 108.

Izmjene Pravilnika odnose se na povećanje broja izvršilaca „kantonalnih veterinarskih inspektora“ gdje je pravilnikom predviđeno 12 na 17 izvršilaca, a trenutno je popunjeno sa 10 izvršilaca. Potreba za povećanjem i prijemom novih kantonalnih veterinarskih inspektora postala je imperativ nakon zahtjeva Federalnog ministarstva poljoprivrede, vodoprivrede i šumarstva broj: 06-24/18-284/17 od 07.02.2017.godine, kojim se traži da se za potrebe rada dvije klaonice peradi: „BROVIS“ d.o.o Visoko i „MADI“ d.o.o Tešanj, koje su konkurisale za izvoz pilećeg mesa u EU, osigura potreban broj inspektora koji bi vršili stalan veterinarsko-zdravstveni nadzor u tim objektima, tokom dvije smjene dnevno po 8 časova za što je potrebno 4 inspektora, pored toga klaonice rade i nedjeljom što traži angažiranje još 4 inspektora (navedeni zahtjev dostavljen je i Vladi Zeničko-dobojskog kantona, Ured Premijera). Međutim, osim angažovanja kantonalnih veterinarskih inspektora u tim objektima, postoje i drugi poslovi koje veterinarski inspektori obavljaju iz nadležnosti kantonalne veterinarske inspekcije. Pored navedenih na području Zeničko-dobojskog kantona postoje još dva klaonička izvozna objekta za krupne životinje, koji trenutno ne rade za izvoz i u ovom trenutku nisu pod stalnim neposrednim inspekcijskim nadzorom, a očekivati je da u narednom periodu, proizvodnja namjenjena za izvoz krene i kod istih subjekata, kao i kod drugih. Da bi se zahtjevi za inspekcijskim nadzorom mogli uraditi na vrijeme i kvalitetno, kao i ispuniti druge obaveze iz nadležnosti kantonalne veterinarske inspekcije i bili spremni da odgovorimo poslovima po pitanju direktiva EU neophodno je povećati broj izvršilaca, kako je to utvrđeno u ovim izmjenama.

Moram istaći činjenicu, da od 01.08.2017. godine, svaki radni dan u sedmici i nedjeljom, veterinarska inspekcija u svrhu stalnog veterinarsko-zdravstvenog nadzora za potrebe rada klaonice „MADI“ d.o.o. Tešanj, i „BROVIS“ doo. Visoko, radi od 00,00 sati do 08,30 sati (dva inspektora), u noćnoj smjeni, a da obavezu stalnog veterinarsko-zdravstvenog nadzora preuzimaju (druga dva inspektora), u prvoj smjeni.

Navodimo da je Akcionim planom za borbu protiv korupcije Vlade Zeničko-dobojskog kantona 2017-2019 koji je usvojen Odlukom o usvajanju Akcionog plana za borbu protiv korupcije, broj:02-06-4089/17, od 23-03.2017. godine, u poglavlju VIII tačka 3. i. 4. predviđen prijem inspektora u odjelima gdje je neophodno.

Strategijom za borbu protiv korupcije Vlade Zeničko-dobojskog kantona 2017-2019 koja je usvojena Odlukom o usvajanju Strategije za borbu protiv korupcije, broj:02-04-16059/17, od 23.11.2017. godine, utvrđeno je da je:

„inspekcijski nadzor itekako bitan za otkrivanje i sprečavanje korupcijskog djelovanja, tako je neophodno da inspekcijske službe budu adekvatno opremljene, a posebno kadrovski, sa dovoljnim brojem inspektora“. Kao strateški program u inspekcijskim poslovima je unapređenje kapaciteta i integritet inspekcijskih organa u Zeničko-dobojskom kantonu.

III Obezbjedenje finansijskih sredstava

Finansijska sredstva obezbjeđena su u Budžetu Zeničko-dobojskog kantona za 2018. godinu, te predloženi Pravilnik o izmjeni pravilnika o unutrašnjoj organizaciji i sistematizaciji radnih mjesta u Kantonalnoj upravi za inspekcijske poslove, ne iziskuje dodatna finansijska sredstva.

D I R E K T O R

Silajdžić Mirsada, dipl. ecc.